

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
OPĆINSKI SUD U SARAJEVU  
Broj: 65 0 Mal 1080014 24 I  
Sarajevo, 03.06.2026. godine

OPĆINSKI SUD U SARAJEVU, sudija Bojana Miralem, u izvršnom postupku tražioca izvršenja DIONIČKO DRUŠTVO BH TELECOM, ulica Franca Lehara broj 7, protiv izvršenika S.Š. iz Sarajeva, radi izvršenja na pokretnim stvarima, dana 03.06.2026. godine. donosi sljedeći:

### ZAKLJUČAK O PRODAJI

ODREĐUJE SE DRUGO ročište za prodaju pokretnih stvari izvršenika Selme Šehić a koje se nalaze na adresi ulica Vejsila Čurčića 90, putem usmenog i javnog nadmetanja i to :

1. KOMODA BIJELA .....300,00 KM
2. STO DRVENI SA STAKLOM .....150,00 KM

### ZA DAN 10.07.2026. GODINE U 9,00 SATI

KOJA ĆE SE ODRŽATI U ZGRADI OPĆINSKOG SUDA U SARAJEVU  
UL. ŠENOINA BR. 1, KANCELARIJA BROJ 454/IV  
SLUŽBA SUDSKIH IZVRŠITELJA

1.Rješenjem Općinskog suda u Sarajevu broj 65 0 Mal 1080014 24 I od dana 27.03.2023. godine, koje je pravosnažno i izvršeno dana 15.10.2024. godine, određeno je izvršenje pljenidbom, procjenom i prodajom pokretnih stvari izvršenika.

2.Konstatuje se da je sudski izvršni organ obavio pljenidbu pokretnih stvari o čemu je sastavljen pljenidbeni popis, iste su ostavljene na čuvanje izvršeniku uz zabranu za dalje raspolaganje i istovremeno procjenio vrijednost pokretnih stvari kako je to navedeno u ovom Zaključku, o čemu je sastavljen Zapisnik broj gornji od 16.12.2025. godine.

3.Ročište za javno nadmetanje održat će se i kad prisustvuje samo jedan ponuđač, a sud će zaključkom na zahtjev lica koje ima pravo prvenstvenog namirenja odrediti da se ročište za prodaju odgodi ako učestvuje samo jedan ponuđač.

4.Sud će u smislu člana 77. ZIP-a, a u vezi sa članom 135. ZIP-a zaključkom na zahtjev zainteresovanog lica omogućiti razgledanje zaplijenjenih pokretnih stvari, te istim odrediti način i vrijeme razgledanja uz prisustvo sudskog izvršioca, a koji zahtjev mora biti podnesen u pismenoj formi 8 dana prije održavanja ročišta.

5. Na drugom ročištu za prodaju pokretnih stvari putem usmenog i javnog nadmetanja pokretne stvari se mogu prodati **bez ograničenja** u pogledu iznosa cijene.

6. Sud će obustaviti postupak ako se stvari ne uspiju prodati ni na drugom ročištu za javno nadmetanje.

7. Ponuđač sa najvećom ponudom će platiti cijenu za pokretnu stvar odmah nakon objavljivanja rezultata. Po uplati cijene sud će donijeti rješenje o dosudi, a potom i rješenje o namirenju.

8. Na javnom nadmetanju kao kupci mogu učestvovati samo osobe koje su prethodno položile osiguranje koje iznosi 1/10 (jedna desetina) određene vrijednosti pokretnih stvari koje se žele kupiti, s tim da iznos osiguranja ne može preći iznos od 10.000,00 KM.

9. Ponuđač sa najvećom ponudom će platiti cijenu za pokretnu stvar odmah nakon objavljivanja rezultata. Po uplati cijene Sud će donijeti rješenje o dosudi, a potom i rješenje o namirenju

10. Osiguranje se polaže na depozitni račun Općinskog suda u Sarajevu broj 1411965320009639 otvoren kod BBI BANKE, sa naznakom broja predmeta.

11. Ponuđačima čija ponuda ne bude prihvaćena, osim za tri najbolja ponudioca vratit će se položeno osiguranje odmah nakon zaključenja javnog nadmetanja.

12. Od polaganja osiguranja u ovoj izvršnoj stvari oslobođen je tražilac izvršenja.

Ovaj Zaključak objavit će se na oglasnoj ploči Općinskog suda u Sarajevu, a tražilac izvršenja može o svom trošku Zaključak o prodaji pokretnih stvari izvršenika putem usmenog i javnog nadmetanja objaviti u sredstvima javnog informisanja.

NAPOMENA: sudskom izvršitelju kao ovlaštenom licu za provođenje javnog nadmetanja /neposredne pogodbe, da ima u vidu to da ukoliko treća lica ne obavjeste sud o svojim pravima na pokretnoj stvari u posjedu izvršenika koja je predmet izvršenja, niti dokažu svoja prava na njima smatra se da takva prava trećih ne postoje i da je izvršenik vlasnik stvari koje se nalaze u njegovom posjedu.

S U D I J A  
Bojana Miralem

Pouka o pravnom lijeku  
Protiv ovog zaključka nije dopušten pravni lijek